

## ՊԱՅՏՕՆԱԿԱՆՔ

---

ՔԱՂՈՒԱԾՔ ՍԻՆՕԴԻ ՕՐԱԳՐՈՒԹԻՒՆՆԵՐԻՑ.

---

Դեկտ. 7 Սինոդը Ղաղախեցի Աբգար քհնյ. Յարութիւնեանի և Բաթումի ժողովրդականաց խնդրագիրները ուղարկելով Տփլիսի Ս. Գէորգ եկեղեցու միաբան Յովհաննէս քհնյ. Մարտիրոսեանցին. հրամայեց Նորան անյապաղ գնալ Բաթում, յիշեալ խնդրագրերի մէջ գծած բողոքների յօդուածները քննել և արդարութեամբ երևան հանել Կոստանդին քահանայի մասին բողոքներն, ու քննութեան արդիւնքը ճանաստարհի ծախուց ցուցակի հետ ներկայացնել Սինոդին, այս մասին տեղակացնելով Տփլիսի Հայոց Կոնսիստորիային, պատուիրեց փոխարինաբար տալ յիշեալ Յովհաննէս քհնյին վիճակային արդիւնքից ըստ հեռաւորութեան՝ ճանապարհածախս, որը քննութիւնից յետոյ կտրահանջուի յանցաւորից:

Դեկտ. 7. Սինոդը՝ Աղէքսանդրապօլի Հայոց հոգևոր կառավարութիւնից առաջարկուած տումարները և թղթերը վերադարձնելով, հրամայեց պատուիրել Մարտիրոս Աւագ քհնյ Տէր Պօղոսեանի գանձապահ և անդամ կարգուելու օրից համեմատել բոլոր հաշուեմատեանները և ցուցակները իւր գործերի հետ, թէ որքա՞ն և ինչ դրամներ է նա ստացել, ի՞նչի համար է ծախսել, որի՞ հրամանով, և որքան է մնում պահանջելի գրամ նրանից: Վերահասու լինել, թէ ի՞նչու տարուայ սկզբում 1891 թուից վիճակային և օտարաց տումարների մէջ չէ գրել աւելացած դրամները, այսպիսի տեղեկութիւններ քաղել և անցեալ տարիների

Տուժարներէից ու հետեւանքի մասին յայտնել Աինօգին: Ի նկատի առնելով վիճակային և օտարին գրամոց ժապաւինեալ տուժարների անկանոնութիւն և թերութիւնը պատուիրել Կառաւարութեանը, Ա. յայտնել խիստ յանգիմանութիւն նախկին նախագահին և անդամներին. Բ. այսուհետեւ տուժարները վարել կարգին իւրեանց յատուկ պատասխանատուութեամբ գրելով շարունակ մուտքը և ծախսը իւրեանց տեղում, առանց միմեանց խառնելու: Գ. Գանձապահի ձեռքով գրել մուտք և ծախսերը օրագրի հիման վերայ ստացած հրամանագիրների համեմատ, նշանակելով ամսաթիւը և թուահամարը իւրաքանչիւրը իւր տեղում, նոյնպէս և փոխանցումն. Դ. տարուայ սկզբում գրել անցեալ տարուանից աւելացած գրամները և ասլա տարուայ ընթացքում եղած մուտք ու ծախսը. Ե. իւրաքանչիւր ամսուայ սկզբում նախագահի և անդամոց ներկայութեամբ անել ստուգութիւն մուտքերի և ծախսերի, համեմատելով յօդուածները գանձապահի ստացած հրամանների հետ և միւս վկայաթղթերը և երեւացածների համար նոյն տուժարի մէջ անել արձանագրութիւն. Զ. պատուիրել գանձապահին՝ ստացած հրամանագիրները և վկայաթղթերը պահել կարգին և ստուգութեան ժամանակ իբրեւ ապացոյց մտից և ծախուց ներկայացնել. Է. գանձապահ կարգել օրագրով: Վատնուած, ինքնագլուխ ծախսած և կորցրած գրամներին պատասխանատու են նախագահն և անդամները բարձրագոյն հոգեւոր իշխանութեան առաջ. Ը. Պատկներից հոգեբաժնից, լուսագնից և ուրիշ եկամուտներից ստացած գրամների համար գործակալներին և այլ հոգեւոր պաշտօնեաներին տալ ժապաւինած և վաւերացրած տուժարներ, որոնք ստացած գրամները արձանագրելով ամէն ամիս ներկայացնեն, իսկ տարուայ վերջը տուժարները աւելացած գրամների հետ որը գանձապահը ոտանալով յօդուած յօդուած մտցնելու է տուժար հրամանին համաձայն. Թ. տարուայ վերջը, լիակատար բոլոր մուտքի և ծախսերի ստուգութիւնից յետոյ, քննութեան համար ուղարկել տուժարը ապացուցական թղթերի հետ Կոնսիստորիայն իսկ հաւասարը ներկայացնել Աինօգին:

Դեկ. 11. Երևանի Հայոց վիճակային կոնսիստորիայի թ. 3159 3279, 3203, 3145, 3286, 3128, 2031, յայտարարութեանց համեմատ՝ Սինոդը հրամայեց թոյլ տալ մօնել ամուսնութեան խնամեալան հինգերորդ աստիճանի, Գորիսեցի Սեդրակ Բալայեանին կատինկայ Զիլֆուղար բէգեանցի հետ, Արամուսցի Նիկողայոս Ալահվերտեանին Աշխէն Ոսկանեանի հետ, Գէորգ Ասոյեանցին Խար գիւղացի Նունէ Պարինեանցի հետ, Զանջիրուեցի Մեսրոյր Սահակեանին կալինիկէ Աւետեանի հետ, Թմբուլցի Սողոմոն մահտեսի Շահապեանին Ուսանայ տէր Ստեփանեանի հետ, Ուլիա-Նորաշէնցի Յակոբ Գէորգեանին Տիլբար Մկրտչեանի հետ, Եարմշեցի Նիկողայ Ստեփաննոսեանին Գիւլի Յակոբեանցի հետ, Տիխիսի կոնսիստորիայի թ. 4112 յայտարարութեան համեմատ Ախալսոփեցի Աբրահամ Ղազոբեան Օբոլքոկեանցին Նինոյ Սահակեան Աբովեանցի հետ. Ասորասանի՝ թ. 2213 յայտարարութեան համեմատ Ս. Խաչ քաղաքացի Զաքար տէր Մոյսէսեանցին Խոսրովիդուխտ Ալէքսանեանի հետ. և Ղարաբաղի կոնսիստորիայի թ. 1535, 1528, 1951, 1650, յայտարարութեանց համեմատ Ստեփան տէր Սարգսեանցին Աննա Զաքարեան Բեկխեանցի հետ, Սուլթան Նուխեցի այրի Խալի Գրիգորեան Մերանեանցին այրի Թագուհի Յովհաննիսեանցի հետ, Սղնախ գիւղացի Յակոբ Մոյսիսեանին Անուշ Զանիեանցի հետ, Շուշեցի Համբարձում Ժամհարեանցին Մարիամ Հայրապետեանի հետ:

Դեկտ. 16. Սինոդը հրամայեց ուղարկել բոլոր վանքերի վանահայրներին ժապաւինած տումարներ 1893 թուի ել և մօից համար, պատուիրելով նոցա գրել ստացած տումարների մէջ վանքի ամեն տեսակ մուտք և ծախսը Սինոդից շատ անգամ տուած հրահանգների համաձայն. կազմել ելևմտական համառօտ ցուցակ մատուցանելու վիճակային կոնսիստորիաներին մինչև 1894 թուի Յունուարի 10-ը իսկ տումարները ուղարկել Սինոդին զննելու:

Դեկտ. 16. Սինոդը հրամայեց պատուիրել Ղարաբաղի Հայոց վիճակային կոնսիստորիային թոյլ տալ Շուշեցի Մարգարիտ Հա-

Թամ — Քիւխեանցին մտնել նոր ամուսնութիւն, որովհետեւ նորա այր Մկրտիչ Ստեփանեան մեղադրուած լինելով իւր մօր սպանման գործի մէջ, տասն և հինգ տարով դատապարտուած է տաժանակիր աշխատանքի և մշտական բնակութեան Սիբիրիայում:

Դեկտ. 18. Սինոդը պատուիրեց Տփլիսի Կոնսիստորիայի նախանգամ Արժ. Անանիա վարդապետ Համադասպեանցին նախագահել Ներսիսեան հոգևոր դպրոցի Հոգաբարձական Ժողովներին քանի չէ նշանակուած վիճակին առաջնորդ:

Դեկտ. 18. Սինոդը վերադարձնելով Բեսարաբիոյ և Նոր-Նախիջևանի Հայոց Կոնսիստորիայի 1891 թուի ել և մօից տուժարները, պատուիրեց բացատրութիւն տալ հաշիւների մէջ եղած թերութեանց մասին յօդուած առ յօդուած, որոնք եղած են արտաքոյ սահմանուած ծախսից և աւանց Սինոդի գիտութեան. 1893 թուից կարճել Ատենագալի տարեկան կառքի վարձ մի հարիւր ռուբլին, և ներկայացնել Սինոդին այս մասին հանգուցեալ կաթողիկոսի այն մակագրութիւնը, որով թոյլ է տալիս այգալիսի ծախսեր անելու:

Դեկտ. 23. Արժ. Մակար Ժ. վարդապետ Բարխուդարեանցին Սինոդը արձակեց փոխանորդութեան պաշտօնից և նշանակեց Ղարաբաղի վիճակի Ամարաս վանքի վանահայր:

Դեկտ. 23. Ս. Էջմիածնի վանական Կառավարութեան 168 յայտարարութեան համաձայն Սինոդը հրամայեց Մայր Աթոռի գանձապահին տալ միաբանների սենեակների նոր շինութեան ծախսից համար 1850 ռուբլի, որ անցեալ ամիսներում ստացած գումարի հետ կանէ 37850 ռուբլի: Եւ 167 թ. յայտարարութեան համաձայն Մայր Աթոռի և ձեմարանի Դեկտեմբեր ամսի ծախսից համար 10,000 ռուբլի, որը տասն և մէկ ամսուայ ընթացքում ստացած 94,000 ռուբլու հետ կանէ 104000 ռուբլի:

Դեկտ. 28. Որովհետեւ Գիւրջեցի Աղէքսանդր Յարութիւնեան

Աբրահամեանց Սինոգի շրջաբերական հրամանի համեմատ չունի ուսումն, Սինոգը Շամախու Հայոց Կոնսիստորիայի միջնորդութիւնը նորա քահանայութեան մասին մերժեց:

Դեկտ. 28. Շամախու Կոնսիստորիայի Ատենադպիր Շահվերտեանցին երկու հարիւր ռուբլի պարգևաբաշխութեան և կարգապահ գուբերնսկի սեկրետար Յովսէփ Սերգէեանցին շքանշանի համար արած Կոնսիստորիայի միջնորդութիւնը Սինոգը մերժեց:

Դեկտ. 28. Աստրախանի Հայոց Կոնսիստորիայի յուլյանմար Դիմէօն Գրիգորեան Կործէնեանցի բողոքը Գասսլար քհնյ. Խալաֆեանցի մասին սուտ լինելով, Սինոգը հրամայեց կարճել այս գործը:

Դեկտ. 30. Սինոգը՝ ի նկատի առնելով Տիխիսի նահանգական քննիչ Տրաքնիչևի և Նորին ամենապատուութեան Տէր Տեղապահի նշանակած քննիչ մասնաժողովի Տիխիսում պատահած անցեալ Յունուարի 6-ին աղէտի քննութեան գործերը, հրամայեց արձակել Տիխիսի Կոնսիստորիայի անդամութեան պաշտօնից Ղևոնդ աւագ քհնյ. Խարաղեանցին և Գէորգ քհնյ. Գալստեանցին, դադարացնելով նաև քահանայագործութիւնից իբրև մեղադրեալներ, մինչև այս գործի աւարտումն գատարանում:

Դեկտ. 30. Ղարաբաղի Հայոց Կոնսիստորիայի միջնորդութեան համաձայն Սինոգը հրամայեց թոյլ տալ վիճակային արդիւնքից տալ սնունդ տարեկան 70 ռ. հանգուցեալ Գրիգոր քհնյ. տէր Ետայեանցի չքաւոր այրւոյն և նորա վեց դեռահաս զաւակներին մինչև որդիներից մինի արբուժք հասնելը:

Դեկտ. 30. Նոր-Նախիջևանի և Բեսարաբիոյ թեմի Կառավարիչ Գեր. Գրիգոր եպս. Աղափիրեանցի 1050 յայտարարութեան համեմատ Սինոգը պատուիրեց նոյն թեմի Կոնսիստորիային՝ Միքայէլ Շալամեանցին կարգել սպասաւոր Պետերբուրգի Հայոց

եկեղեցուն և նորա տնունը մուծանել ի շարս թեմի հոգևորականներին:

Դեկտ. 30. Սինոդը Մկրտիչ վարդապետ տէր Թադէոսեանին նշանակելով վանահայր Արքեպիսկոպոս Ս. Խաչ վանքին՝ պատուիրեց, իւր խոստման համաձայն սկսել կարեւոր նորոգութիւնները — ծածկել Ս. Խաչ վանքի տանիքը թիթեղով, ոպիտակացնել եկեղեցին ներսից, իսկ գրսից վայելուչ գոյնով ներկել, խախտուած տեղերը նորոգել, անյարմար և անպիտան սենեակները քանդել և նորերը շինել, վանքի եկամուտից միայն 600 ռուբլի ամի ամի ուղարկել Էջմիածին, իսկ Հմայեակ վարդապետ տէր Յարութիւնեանին կարգել վանահայր Ս Ստեփաննոսի (կարմիր վանք): Կարմիր վանքի վանահայր Թադէոս Աբեղայ Առիւծեանցին վանահայր Դարաշամբի Ս. Ստեփաննոս Նախաւրկայի:

Դեկտ. 30. Սինոդը հրամայեց տալ Երեւանցի Աղաջան Թադիանոսեանցին Էջմիածնապատկան Չամբր անուանուած հողերը տարեկան չորս հարիւր (400) ռուբլով, հինգ տարի ժամանակով: